

1909

年

第

卷

2033

第

期

2044

北洋官報

目錄

宮門抄
上諭
交電
旨
諭
奏議
直督楊奏陳第一年籌備事宜摺
粵督張奏
編纂學堂統計表片
陝撫恩奏第一年憲政籌備事
宜摺
公體
董事會移一件
議事會移二件
保定調驗分
局票一件
甯河縣票一件
鉅鹿縣票一件
文告四則
電報五則
新聞十三則
電編
民政部調查戶口官警遵守規則
鉅鹿縣整頓
巡警等章程

本局第九十四期法政學報已出

宮門抄

閏二月十七日 法部 大理院 廂紅旗值日 廣州副都統春祿請

安 吉陞因伊孫以侍衛用謝 恩 烏珍因伊弟補缺謝 恩 雙齡因伊子補缺謝 恩 常

海改爲署缺謝 恩 李擢英授缺謝 恩 廣東副將連泰謝 恩 福建副將劉賢斌謝 恩

山東道陳恩翁謝 恩 克王續假十日 榮公請假十日 廣興 崇福 王宗基 宋壽徵 劉次

源 唐瑞銅各伺候 召見 召見軍機 春祿 李擢英 延禧 王宗基 宋壽徵 劉次源 唐

瑞銅 徐定超遞封奏一件 外務部代遞汪大燮奏摺一封

上諭

閏二月十七日奉

旨杭州織造仍著彬格接管欽此

電旨

閏二月十七日奉

旨王士珍電奏悉著再賞假半個月病痊卽行銷假欽此

交

旨

閏二月十七日 軍機大臣欽奉

諭旨御史徐定超奏軍港要區請旨飭勒一摺著籌辦海軍王大臣議奏欽此

奏議錄要

直隸總督楊奏臚陳第一年籌備事宜摺

奏爲遵章臚陳直隸第一年籌備事宜恭摺仰祈 聖鑒事竊臣恭讀光緒三十四年八月初一日

上諭

欽奉

懿旨憲政編查館資政院會奏單開逐年應行籌備事宜責成內外臣工依限舉辦每屆六個月將籌

辦成續臚列奏聞等因欽此十二月二十七日

上諭明年以後應行籌備各事著內外各衙門按期妥籌次第

舉辦等因欽此仰見

朝廷紹述

前謨注重憲政之至意臣按憲政編查館遵設考核專科自光緒三十

四年八月起至十二月底止爲第一屆以後每年六月底暨十二月底各爲一屆限每年二月內及八月內各具奏

一次查籌備事宜清單內開籌辦諮議局爲各省督撫第一年應辦之事業經臣先設籌辦處派員任事擬定分期

辦法認真經理於上年九月奏陳在案茲屆二月奏報之期應將該處籌備成績詳細臚陳以資考核該處自上年

八月遵照奏章籌辦諮議局事宜於九月初飭令司選員分赴各府直隸州廳講演章程再由各州縣選派士紳充

選舉調查員齊集各該管之府直隸州廳聽講各歸本籍幫同辦理選舉事宜其選舉經費先由該處通籌墊給不

得絲毫有累民間致生疑阻復慮地方官措施或有未當遂致遷延限期迭經諭飭該處檄電紛馳促令依期舉辦

其於章程有所誤會者必詳爲辨正官紳有未接洽者必力爲疏通各屬部署情形隨時報告糾其非而獎其是

其間有辦事不力者屢經臣嚴加訓迪率能振刷精神一氣貫注現在各屬調查覆查造冊均尙照章依限未誤事機

大抵直隸辦理選舉與他省情形迥不相同京旗暨駐防專額議員照章皆屬直隸兼辦就駐防論有歸密雲山海

關副都統者有歸

東陵

西陵承辦事務衙門者有歸京營左右翼者加以順天府熱河二處管轄不

一端緒紛繁非因應得宜不能速期蒞事京旗選舉業由值年旗王大臣奏辦復經憲政編查館奏明請

旨以

順天府尹充復選監督兼由民政部內外城巡警總廳步軍統領衙門各派專員會同大宛兩縣辦理京師內外城暨京營地面民籍選舉調查事宜接京師首善客籍居多層轉較繁區域亦廣屢經內外協商同心辦理不分畛域成績可期其他各屬人名册除新設之開魯林西兩縣地本沙漠煙戶零星無從舉辦餘由各復選監督於去臘今正間一律彙齊復飭該處逐加考核其所載資格與章程不合者概予刪除填註不明者復令更正公益事務一項如民間公辦青苗水會等事必其資望較著始認為合格財產一項從前未行登記之法無從確核若嚴查細數恐習為諱匿者轉甘放棄因於表册但註五千圓以上字樣冀無遺漏現據已到人名册合計除駁回刪汰外綜核全省合格者十六萬人有奇一俟京城暨京營地面民籍初選名册造齊即當統計全省人數核定分配各府直隸州廳議員及各屬初選當選人額數其京旗暨駐防專額議員已擬定專額議員調查選舉規則及初選監督協辦駐防選舉規則分行各都統各該管屆期一律辦理此直隸籌辦第一屆籌備事宜之詳細情形也此後自三月起迄九月止其中宣示選舉人名册行初選舉復選舉三事仍飭該處切實分辦不得少有延誤至籌辦處一年經費由臣飭司局籌撥並飭該處核實動用毋得虛糜將來諮議局成立建築正式議場正在飭令該處繪圖估價祇期規模宏敞工料堅實不取侈飾外觀致多糜費除咨查照外所有直隸第一年籌辦詳細情形理合恭摺具陳伏乞

皇上聖鑒訓示謹

奏宣統元年閏二月十五日奉

硃批該衙門知道欽此

兩廣總督張人駿奏編纂各項學堂統計表片

再廣東省學務自奉

旨改設提學司並分科辦事以來提挈有繼匯之區督勸有專司之責學堂成立日漸

擴充自光緒二十九年癸卯秋季起截至三十二年丙午二月止合計統共學堂八百五十九所教授生徒五萬零一百一十八人經前督臣周馥將續辦廣東全省學堂情形於光緒三十三年四月二十六日附片具奏並將表册咨部在案臣蒞任後復經飭屬認真籌辦隨准學部咨統計一項最關緊要而於教育尤甚各省先後齎到表册辦理互異不合統計之用茲酌定表式通行填寫以歸畫一務於半年六月以前一律妥辦報部等因當經行司轉行遵照辦理茲據署廣東提學司沈曾桐詳稱前司王人文未及辦理卸事本署司抵任檢查卷內據各屬報到者

尙屬寥寥復經飭催並詳咨展限在案按此次辦理上年丁未統計若遵部發表式參照式樣另撰適當之表刊刷轉發所屬各學堂照填轉恐文告迭更致令無從填寫尤恐耽擱愆期惟有變通辦理一面設立統計處督員將陸續繳到表式詳細編纂其尙未繳到者並調查舊卷分別補列計光緒三十三年分兩學期內續辦兩省公共之優級師範選科學堂一所並附設體操專修科一所闔省公共女子師範並附屬兩等小學堂共一所屬地方之實業學堂九所農業學堂一所中學堂五所小學堂五所女子學堂五所實共增設學堂七百四十七所新收優級師範選科暨體操專修科生三百三十二人女子師範暨兩等生二百一十三人實業生八百五十二人農學生六十八人農學生五百八十八人小學生二萬七千八百六十四人蒙養院生二百九十二人半日學堂生二百一十人女子學生一百七十九人實共增收學生三萬零五百八十二人其師範學堂經已畢業停辦者四十七所減去生徒二千八百一十五人連同前辦學堂之數合計統共學堂一千五百五十九所受教生徒七萬七千八百八十五人此外尙有中小學堂及半日女子等學堂約有數百所未經核准立案者俱不在前此數內茲飭據學務公所總務科及統計處各員造具統計表前來查前經奏咨直轄各學堂現經分別列入闔省與兩省兩府公共學堂內駐防各學堂前未備載現歸直轄於表內另列一行以清眉目其直轄小學堂則分列地方學堂內至表中編纂緣由或未能齊備及一時難以辦理者均一一詳註各表備考內裝訂成冊詳請 奏咨立案前來臣覆核無異除將表册咨部立案外理合附片具陳伏乞 聖鑒謹 奏宣統元年閏二月初九日奉 硃批該部知道欽此

陝西巡撫恩壽奏遵報憲政籌備第一年應辦事宜摺

奏爲遵報陝省憲政籌備第一年應辦事宜恭摺具陳仰祈

聖鑒事光緒三十四年八月欽奉

諭旨憲

政編查館資政院王大臣會奏進呈憲法議院選舉各綱要暨議院未開以前逐年應行籌辦事宜一摺單開逐年應行籌辦事宜著該館院將此次清單附於此次所降諭旨之後刊印謄黃呈請蓋用御寶分發在京各衙門在外各督撫府尹司道敬謹懸掛堂上卽責成內外臣工遵照單開各節依限舉辦每屆六個月將籌辦成績臚列奏聞並咨報憲政編查館查核等因欽此仰見 朝廷求治維殷實行立憲之意並准憲政編查館將謄黃刊印頒發前來祇領之餘莫名欽佩奴才遵卽分頒各署敬謹懸掛堂上俾得警惕時加克勤其事並督飭司道查照單內各事

宜依限籌辦現屆第一年期滿應將遵辦情形照章奏報謹案籌備事宜清單內開第一年籌辦諮議局各省督撫辦理等因查上年奴才奉到憲政編查館咨行諮議選舉各章程令各省先設諮議局籌辦處當經奴才札委布政使許函度爲籌辦處督辦會同司道統籌妥辦並委在籍前山西候補道閻迺竹爲總評事在籍翰林院編修吳懷清在籍法部主事周鏞爲評事設處長一員協理二員以爲之佐分設選舉調查自治庶務四科每科各設科長一人科副設如額均遴選員紳之明達者分任其事毋許冗濫於上年十月初一日據報開辦業經奴才奏報並將開辦章程及期限表冊咨呈憲政編查館查核在案至其成績則先飭各屬設立宣講所將諮議選舉章程分別講解並札各屬畫投票區委各廳州縣充初選監督各府直隸州充複選監督設選舉事務所頒發選舉告示遵造調查各項表冊簿籍此第一屆籌備事宜之辦理情形也現在已屆覆查戶籍登記之期各屬均已一律依限備辦仍隨時由奴才督飭司道各員將應備各事宜認真依限舉辦不敢稍涉因循上煩 宸廑所有遵報陝省第一年籌辦各事宜緣由除分咨外理合恭摺具陳伏乞 皇上聖鑒訓示謹 奏宣統元年閏二月十二日奉 硃批該衙門知道欽此

公牘錄要

天津縣董事會移地方審判廳清釐收回廟產請發案卷文

爲移請事案查天津縣議事會遵照自治章程擬定清釐廟宇廟產辦法其第一第四第六各條一各項廟宇廟產無論已佔未佔統由董事會調查註冊並遵章備案一未經佔用之廟宇廟產非經議事會詳准無論何人不得佔用一各項廟宇廟產既應充作自治經費此後即應統由董事會管理他處不得以該廟宇廟產充公等語又議事會擬定收回廟宇廟產養贍僧道辦法第一條本縣廟宇廟產自經清釐收回後所有契據租摺及出租變賣各事統由董事會收管經理其應發之養贍費亦由董事會按照租價賣價分別支付等因先後稟蒙 督憲批准由議事會移知敝會執行在案茲查舊城東南隅有厲壇寺廟庚子兵燹被毀現存廟基二段廟房數間按照清釐廟宇廟產辦法應由敝會收回管理列入自治經費項下惟該廟住持僧宏道前會來會呈遞說帖陳訴張起山霸佔廟地等情當於光緒三十四年十一月二十二日備文移請貴廳將厲壇寺涉訟案卷檢交敝會以憑查閱迄今多日

未蒙賜覆現在稟奉 督憲批准清釐廟宇廟產及收回後一切辦法所有關於厲壇寺廟產租賃事宜自應統由敝會照章經理又聞宏道失迷無踪此項廟產尤應由敝會收回管理仍請貴廳飭將此案全案發交敝會俾資考證閱畢即行奉繳再此後有因該廟產事項轉囑稟請貴廳訊究者請飭到會聲述由會先行請查倘係爭執不平仍行送請貴廳按例裁判以符定章而杜轆轤所有清釐收回厲壇寺廟產並請發此案全卷緣由相應備文移請貴廳查照祈即見覆施行須至移者

天津縣議事會移董事會布置選舉事宜文

爲移知事案據試辦天津縣地方自治章程第十六條內開凡議員任期爲二年任滿後改選之第十七條第三項載每次改選期前一個月由議長通知董事會布置選舉事宜各等語查天津縣議事會自光緒三十三年七月初十日成立截至本年七月初十日已滿二年第一次議員任滿自應照章改選惟改選事宜係第一次舉行所有調查選舉及被選舉資格等手續甚繁動需時日若俟改選期前一個月始行通知深恐貽誤事機現經敝會公決提前通知以便貴會早爲布置選舉事宜至選舉費用應請貴會撙節估計即於自治經費項下動用所有通知布置選舉事宜理合備文移知貴會即希查照見覆施行須至移者

天津縣議事會移天津縣籌辦城鎮鄉自治事宜文

爲移請事案查試辦天津縣地方自治章程第二十八條議事會應行議決之事第一項爲本縣下級自治團體之設立事宜並註明如城鎮鄉各議事會及城鎮董事會并鄉長等又查奏定城鎮鄉地方自治章程第八十一條載城鎮鄉自治開辦時第一次議事會選舉所有辦理選舉人員應由地方官遴派官紳充之等語議員等查天津縣議事會董事會仰蒙列憲竭力提倡是以先後成立俾人民練習自治以樹憲政基礎則城鎮鄉自治團體自應一律籌設况 資政院憲政編查館王大臣奏定逐年籌備事宜將籌辦城鎮鄉地方自治章程由縣台遴派官紳充辦理選舉人員抑或援照試辦天津縣地方自治章程由議事會議決交董事會執行之處事關兩項章程權限敝會未便擅擬理合備文移請縣台酌奪見覆施行須至移者

保定調驗分局王守守堃吳守克讓稟稟禁煙總局文

敬稟者竊卑局恪遵憲飭專司調驗凡情形可疑無論現任候補人員一律照章調至查驗督同檢察員等細心察看其在局五日戒煙已淨情形無可疑議亦未携有不應帶之物或素未吸食而面皮黃瘦於訪聞明確後均如期分別給予證書收執乃有保定習藝所醫官北河試用縣丞丁傳詩違調進局經檢察員於錶搭連內檢得紙包一枚內有小丸藥二十一粒卑府等詰其何爲答以此錶甫與友人互易不知其中有藥並謂前年保定官立戒煙社會充社員能立方爲人除患轉於己之痼疾甘任久浸且功令何等森嚴豈敢顯自違悖卑府等念此丸藥有煙無煙末由化驗以其言語從容惟有督同檢察員格外認真默觀動靜是班同驗之補用通判胡倅長年試用典史蔣朝棟等各與素昧生平均屬向無嗜好揣其爲射利之徒亦無所施其技及至第五日復留多驗三日該員極口應允茲又滿期歷八日而神形如一謂爲誤帶或係實情嗣後如查明該員並未斷淨當詳送憲局勒限嚴戒設竟再行沾染逕由卑局復予調驗卑府等既不敢躁切徒事張皇亦不敢徇情致負委任除發給實已戒淨證書外所有試用縣丞丁傳詩多驗三日緣由理合肅丹稟陳仰祈大人電核批示祇遵實爲公便

甯河縣孔令憲邦稟本城設立巡警教練所遵章授課文並批

敬稟者案查卑縣前奉 憲檄通飭民政部奏擬各省巡警學堂堂章程內開巡警教練所府廳州縣須設一處等因蒙此遵查卑縣全境巡警歷前任陸續設立俱已稟報在案卑職自應加意整頓以保治安而爲立憲之基礎每於接見紳董多方勸導務宜設立巡警教練所去後茲據本城警務總局紳董稟稱竊巡警以通達警章爲要尤以操法爲先且各長警向以春秋閒暇之日分班調集訓練在案茲查現屆訓練之期應亟調集各長警分班訓練并在局內設立傳習所以仰副造就人才期求進步之至意擬於每月一六爲授課之期請立案等情據此隨即批令毋得徒託空言有名無實并飭將傳習所改正爲教練所以符章程至於課程悉遵部頒定章辦理所有卑縣本城巡警總局內設立巡警教練所遵章授課緣由理合稟請 大帥查核立案彙總造冊咨部實爲公便

督憲楊 批據稟已悉仰警務處查照飭知并候 順天府尹堂批示繳

敬稟者竊思設立巡警所以保衛閭閻尤爲近今切要事件若不循名核實恐虛糜款項未免民怨沸騰卑職抵任

後調查歷辦卷宗共計全境巡兵二百四十名卑前縣涂令任內會稟請添設馬巡十名後因經費支絀尙未舉辦在卷查畢卑職即督同巡官劉紹埔等由城及鄉點驗闔境巡警論其表面似覺楚楚可觀而察其內容則沾染嗜好者有之私罰錢文者有之匿賭不報聞賊逃避者有之業均發覺有卷可查卑職已將該巡等分別責革另補又有團城區長張福謙濫用職權棍責平民現奉憲台查明札飭斥革在案所有添設馬巡一層本爲當務之急但卑縣舊有原駐大名馬隊二十名縣馬隊十名四處巡邏得以補助巡警之不足俟將來款項充餘再行添設姑作一時權宜之計惟思卑境素稱瘠苦兼以頻年荒旱民不聊生近來以民間有限之膏血養此一邑之警兵如不嚴密查考勢必事同虛設卑職當飭各巡官等於所管巡警認真教練以期逐漸改良現在冬防在即盜賊易於竊發是以趕緊擬定稽查章程增設馬隊循環紙票並步巡查道木籤及稽查紙籤分札各局區所一律照辦總期以巡警爲經以馬隊爲緯以示周密而收效果除仍由卑職隨時整頓外理合將辦理章程繕摺繪圖恭呈大人查核俯賜批示立案實爲公便肅此具稟恭請勅安（章程另錄）

直隸全省警務處 批據稟已悉該縣所擬巡查道辦法有條不紊具見熱心公益辦事認真洵堪嘉許應准如稟立案並候 督憲暨各衙門批示繳表摺存

文告錄要

督憲批示錄要○廣平縣曾令愷章稟本縣巡警馬我奎等捕匪出力請獎賞由 批據稟已悉仰警務處會同按察司核明覆奪稟抄發此繳○甯河縣村正張寶銓等稟懇准撥款重修官橋由 批據稟已悉仰水利局委員前往勘估妥速興修務期堅固經久以便行旅鈔稟批發

藩台批示○南宮縣職員孔憲學等呈 批聖賢後裔誠應蠲免雜差以示優異惟警務爲保衛地方而設似與別項雜差不同該職等如肯捐助亦未始非仰體先聖先賢民胞物與之至意但不得稍事抑勒今既以不願捐輸來轅呈訴候飭縣酌盡善妥慎辦理該職等速回籍安度無庸在省逗遛致滋拖累

保定工巡總局告示○爲出示曉諭事照得二月十二日准禁煙分局呈稱竊據巡員楊吏目聯甲稟稱於本月十一日下午三點鐘帶同巡勇等巡查至東縣街路北酒舖門首見一人由舖內走出形色倉皇上前詢問言語支

雖當於該犯劉二雙身旁搜出煙泡九枚據云在該酒舖掌劉尙手中買出隨於該酒舖內起獲煙泡一枚卽將該犯等二名暨煙泡十枚一併帶局請訊等情前來當經提訊據劉尙供稱在縣衙門口開設火燒酒舖今日私賣給劉二雙煙泡九枚計得銅元二十七枚卽被查獲等語訊之劉二雙供詞大致相同查土店賣煙章程第一條內載不准他項貨舖代賣違者照章議罰又第二條內載如有不領憑照私賣土膏者一經本局查明將該店封禁土膏充公各等因此次劉尙開設酒舖影射賣煙殊屬有違定章本應照章議罰該犯供稱無力呈繳自應按照第二條章程辦理將該店封禁土膏充公以示懲儆除彙報禁煙總局憲暨私買煙泡之劉二雙現經患病暫行取保候病愈再行照章核辦外所有劉尙一名理合送請查收覆訊明確卽將該犯所開之酒舖封禁土膏充公以符定章實爲公便等因准此除將送到煙犯劉尙訊辦外合行出示曉諭爲此示仰軍民人等一體查照遵守慎勿違禁效尤致貽後悔懷之切切毋違特示

保定工巡總局批示○錢糧行商人金成英具稟一案 批此案已飭該管分局並探訪隊一體查緝矣著卽知照

電報錄要

路透電○德國納爾德意志輪船公司因漢美輪船公司於西三月十號宣布虧本之報告現亦宣布於一千九百零八年共賠八十九萬二千鎊此數必須由存儲資本內提撥補助云

柏林電○德政府諭令塞普林伯爵承造飛行汽艇兩艘須有抵禦軍器之能力以便於德國陸軍大操時抗拒擊射汽球之炮云

又電○德皇擬在溫尼斯地方與首相普魯親王會議要件

又電○德儲君擬於西四月二十號至匈牙利首府幫助羅馬尼亞國王舉行七旬壽誕之事

又電○德國駐匈牙利公使瓦士德爾氏現在柏林擬俟巴洛堪半島交涉了結後卽啓程赴匈牙利首府視事云

新政紀聞

政治

保。荐。人。才。均。免。考。驗。○已酉京察大典所有各部院實缺人員均須在部考驗是否資深有無烏布詳加考語始照

例辦理現經度支部定議以郎中李焜瀛等均在保荐人才之列所有京察考驗概行免除以免紛歧而歸畫一籌議請款開辦審判廳○順天府凌大京兆以本年各省應設審判廳而本府款項萬分支絀特與陸兼尹商議另行奏請專款以資籌備一切要政云

監獄學堂將次成立○江督前次派赴日本警監學校肄業各生均已畢業回國經午帥將畢業生施伯榮一名派至蘇州投臬司衙門稟商開辦監獄學校茲該生施伯榮到蘇後謁見各憲籌議開辦章程稟呈臬憲核辦章程大略擬開辦蘇州監獄速成學堂一所招考學生五十名已擇定葑門內顧姓房屋暫行租賃作為校舍預算常年經費每年須二千四百餘元開辦經費尙不在內惟目下經費難籌蘇州習件公所業已停辦擬請將各縣捐解之習件公所經費移作該學經費以蘇屬三十六廳州縣算每縣年籌八十元合計已有二千八百八十元足敷應用

外 交

請撥專款待外賓○蘇省洋務局詳撫院文云竊職局應行款待外賓所需經費始由前撫憲陸批以金山石屑捐款繼以捐款改撥木瀆小學經費並又收數短絀不敷開支由前辦羅道稟奉前院陳札司撥銀一千兩乃自職道接差以來屢以恭屆 國慶筵宴外賓一切不敷支用又經先後稟准續撥二千兩作為活支歷經報銷在案查職局接待外賓每屆恭逢 萬壽聖節備辦筵宴需用既鉅而自甯滬鐵路開通以來遊歷客卿觀操武員來往不絕除日本自有領事館不必過於接待外此外授餐適館皆地主之誼所不可缺需用尤繁石屑每歲僅四五百元委實不敷可否飭由司局別籌的款作為常年經費所有石屑乞飭歸併至牙釐局經收除咨商牙

釐局外合行詳請批撥云

批飭編印教規教案○贛撫馮中丞據洋務總局轉准法教士聞若瑟神甫擬發約束教民傳單美教士麻克禮牧師酌擬息訟杜弊條規贛州耶穌堂顧主教酌擬教會條規饒州天主堂陶主教擬定傳教條規均經先後函到彙錄呈請查核備案昨批示云該教士等所擬條規詞意和平中正皆本省州縣應行先事留意遇事援據絕好案件較之局刊教務輯要尤為切實有用仰洋務局即將天主耶穌兩教自議條規及行局有案者均詳晰編錄

擺印成冊通行各屬留置案頭隨時觀覽並須專案移交毋得視為具文

學務

申明小學畢業出身○京師督學局於本年正月考試小學第二次畢業日前稟呈學部請將此項學生應如何給予獎勵現由學部札飭略謂既有原案可查著仍照第一次獎案辦法取列最優等者給予廩生取列優等者給予增生取列中等者給予附生取列下等者給予份生等出身取列最下等者發回本堂補習一年下次考試再行補考云

通行學校衛生法○奉天提學司以現屆春令瘟疫流行前日實業學堂中學堂學生均有患傳染病身斃者亟應力事防範特採取學校衛生法若干則刊印成頁通行各學堂一體遵辦並呈明欽帥飭知衛生醫院妥籌療治及消弭方法以免再有傳染云

營口學界之調查○奉天營埠風氣開通最遲數年前本地紳民不知學務爲何事俄日戰後稍知覺悟適有前任關道沈鳳樓觀察引學務爲己任捐資提倡不遺餘力加以署任海防廳朱翊周太守勸學所董事段紳柳橋不辭勞瘁極力整頓學界始日有進步茲調查得合埠官立小學堂六處民立兩等學堂一處清真回教學堂一處女學堂一處男女教習共十六人男女學生共五百七十餘人此外尚有省城官費中等商業學堂一處學生共一百六十餘人其內容及其程度爲一邑之冠云

軍政

會議陸軍貴胄畢業辦法○京師陸軍貴胄學堂本年暑假卽屆畢業之期現馮總辦國璋與陸軍部會議畢業後之位置及考試畢業辦法以期早爲豫備云

派員查勘沿江砲臺○江督端午帥以沿江一帶匪黨充斥防務不可不嚴特派長江四路砲臺總統徐吉雲軍門馳往鎮江江陰吳淞等處查勘砲臺以資整頓初五日軍門乘策電兵輪抵鎮會同駐揚鎮巡防步隊統領周錦堂協戎詣象山雩山焦山圖山都天廟各處砲臺詳細履勘嚴密佈置並校閱守臺弁兵水旱兩操聞各兵形式精神尙覺完美頗蒙軍門嘉許

分委要塞工程局叅議○江督端午帥以揚子江爲各省保障改編長江要塞扼重江陰分爲永久建築臨時建築兩種業經奏明在案現以要塞工程不能稍緩飭員設立工程局擬辦一切事宜並以十七協孫銘測繪學堂總辦吳茂節第九鎮正叅謀官陳懋修陳其采巡警副監陶駿保深通兵學閱歷有年分委該員等爲江陰要塞工程局叅議

財政

議催各關整頓稅款○度支部現因上年各洋關短徵稅款由部奏准免繳在案惟此各項稅款係屬抵補借款賠款大宗甚關重要誠恐本年仍有短徵之處擬通飭各關須切實核徵如再有虧短卽按照部章責令償補以重國課云

委員調查各屬財政

○魯撫袁海帥近派多員分赴各州縣調查財政札文略謂本部院自上年到任後見東省財政異常困難並以各州縣奉提盈餘銀價日增今非昔比各情奏明在案查州縣爲親民之官所謂民之父母也顧父母方日迫於飢寒而欲爲子弟謀飽煖揆之人情已有不順況新政繁興仔肩重大本部院起家牧令甘苦備嘗縱不能爲各同僚計及有餘亦當爲各同僚劑其不足惟東省一百餘州縣情形各有不同本無盈餘而強提盈餘固各同僚之所蹙額並未虧累而滿口虧累亦本部院之所習聞上不推誠下不布公積習相沿流弊百出於是賢者力求引退以潔己不肖者肆爲掎克以擾民尙望其盡職而趨公誠無異南轅而北轍今與各同僚約凡各該縣缺分歲出歲入向爲各同僚共見共聞者及相沿漏規所稱瞞上不瞞下者悉數開單和盤托出盈者自盈虧者自虧一目瞭然聽候本部院通盤籌畫而酌劑其間就各州縣原有款項視缺分繁簡分別等等差酌定公費惟茲事體大在調查伊始必須切實詳明該印委等務知此舉爲大局攸關並非故爲鈎距苟無窒礙期在必行應查出入公私各項款目姑自光緒三十三年正月三十四年十二月止分別列表一面檢齊檔案紅簿庫賬逐款核對無訛詳細稟覆到院以憑飭司詳議覆奪將來復查根據及歷屆接准部咨清理財政辦法亦發軔乎此如能將各項款目縷晰查明毫無朦混者定卽行司記功優加獎勵若其扶同隱飾自便私圖該印委等不能擔此重咎也除鈔行藩司查照外爲此札飭札到該員卽日束裝馳赴各州縣依照上開事項分晰查填

其有原表未備以及款目非聲叙不明者亦卽分別補列酌加按語總之門類必清數目必準並知此舉之關係及將來復查根據斷非含混可以了事該委奉差前往尤應潔己從公不留指摘云云

第二條 調查戶口時擔任調查之員官長警須以調查時間告知於守望巡警

第三條 守望巡警須記明調查員官長警之姓名時間回區後稟報於區長

第四條 派出調查長警無論定時臨時及抽查出查時由區長發給調查執照無執照者不得擅入人家

第五條 調查時無論貴賤貧富當以和顏謹言相與接遇其有不明之事項雖應查明者對於老弱婦女及其他不堪應對之人不可強為尋問

第六條 調查時遇該戶無男丁必不得已與婦女相問答務宜莊重如有不正當之行爲查明從重懲辦

第七條 調查時遇有執行法第六第七第十條開列各事項時宜詳記於報告簿回區交區長檢查

第八條 派出擔任調查之員官長警於定日調查時如有疾病及其他事故不能辦理者得申請於總分廳延期五日(五日後仍不能辦理者得申請改派)

鉅鹿縣葛大令龍三擬定整頓巡警及練軍縣隊巡邏章程

總義

查鉅鹿全境正北東北西北皆邊遠緊要正北至城四十五里東北至城五十里西北至城三十五里東北毗連南宮新河正北毗連新河甯晉隆平西北界至隆平最要正北東北次之西北又次之故東北孟村舊有歸縣節制大名馬隊八名常駐防堵正北官亭有縣隊七名常駐巡守現雖北面稱安而東西南三面亦當巡防近屆冬令宵小易於竊發晝夜尤應責派警兵輪流梭巡並派馬隊分路稽查相爲表裡又恐各兵等有虛應故事情弊爰息心參核妥籌稽查辦法以考各兵之勤惰期收實在效果

第一節

查原駐大名馬隊共有二十名每夜派出六名分作三路巡道每路二名

第一條 自城東北邊路之王六村趙莊小留莊何頭村團城至孟村停止約繞行六十里

第二條 自城東北路之前辛莊戲樓莊張毛莊閻疇村蘇家營至孟村停止約行五十餘里

第三條 自城南邊界之薄家莊堤村賈家莊張王疇武家莊回城約四十里

第二節

縣馬隊共計十名按巡警所設局區地方每夜派四名出巡輪流更替

第一條 以二名自官亭西北邊路繞行進城約計三十餘里

第二條 以二名自城繞行南隅邊界進城約計三十餘里

第三條 北三路較遠應宜二夜循環一次

第四條 東西南較近擬作一夜循環

第五條 凡二夜循環經行局區應用甲乙循環票四張局區分二張署內二張

第六條 第一夜由城巡各帶甲乙循環二張飭經過之局區將馬勇甲循查收換復甲環次夜回城經過局區付

勇乙環收勇乙循北三路照此推行以示周密而免避就

第七條 東西南三路一夜循環不分甲乙只用循環二票局區署各一張亦可週而復始

以上暗查馬勇之得力與否

第三節

巡警另作簽號不論各局區巡所每夜酌派警兵二三名應在本局區所管地方往來輪流下道不分局區界限照

馬隊經行之路畫出局區巡所首尾分別酌作查道簽簽用木板長不過二尺寬不過三寸簽頭刊刻一二三四

五字樣首一尾五以示區別

第一條 巡兵執簽下道黑夜以簽爲記如遇馬巡出簽明證藉此考查以免偷安

第二條 每日又另作稽查紙簽號條五十張書寫暗號蓋用圖章五路馬隊每夜出巡各帶十張兵勇相逢但見

查道簽即付警兵簽號條一紙另訂循環簿各一本局區所分別存留

第三條 凡警兵下道携回稽查簽號紙條交各局區所挨次排粘循環簿內五日送署調查一次以考警兵勤惰

互相稽查來往週流俾使盜賊歛迹無從侵入

第四條 偷夜逾二更有三五成羣挾帶器械或情形可疑之人均應盤詰送左近各局區所問明屬實送署核辦
否即放行

未士史他令迺緬國官電局之電師也現居仰光四十九街門牌第四十九號日昨惠來手書云○十四年前余在印度司理電綫工程入林度嶺所駐烟瘴之區不可勝數日積月累瘴毒深侵血份遂有寒熱往來之病三日一發先寒後熱冷發之時則全體冰凍手足顫震冷後則熱越宿方止以致精神困憊懶於行動胃口全無面色黃瘦氣

立除癘瘡



衰血弱屢延醫治所服金鷄納霜等藥難以枚舉雖有時而暫止惟不久又復發如是者有兩年之久後在印度之畔的查釐地方有醫生着予吞服韋廉士大醫生之紅色補丸余從其言照方常服直至全愈然後已此後則氣血日增精神日長從前所患各恙均歸無何有之鄉矣計自愈後至今經已十有二年而此疾一概未有再發也忖思大東一帶患此病者料亦不少故將當日病形如何服藥何似詳細奉告俾世之有是病者知所問津焉耳 貴藥局不妨將此函登諸報端為望 史君之恙乃瘴毒侵血之病也韋廉士大醫生紅色補丸有清血之功補血之能先去其血中之瘴毒然後滋補之故能藥到春回微驗立見也為其有此能故愈一切 肝木不和 食積不化 血枯 頭痛 先天不足 後天失宜 諸虛

百損 風濕骨痛 半身不遂 腳氣衝心 諸般瘡瘍 大凡發熱下痢感冒之後須調補者均宜婦 女經期各恙立奏奇功 各處店均有發售或直向上海九江路B字第八號韋廉士醫生總藥局採買亦可 每樽價銀一元五角 每六樽價銀八大元 不論遠近一律不取郵費 上海九江路B字第八號韋廉士醫生藥局啓

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東携帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 三岔河口玉皇閣本公司總理處北馬路天津銀號
北京 保定 上海 漢口 唐山 張家口天津分銀號 同啟

天津商務印書館新書出版月正

嚴又 訂正羣學肄言 此書所以治羣學之途術書凡十六篇前經嚴又陵先生譯出此行世備受海內歡迎茲經重加訂正以故權歸本館洋裝精緻大為改觀每册定價一元

高小 女子國文教科書 本館前編初等小學女子國文教科書八册一年間已疊六版近又承學部審定其價值不待言此書即詳全書四册先出第一册以女子必需之道德常識為主而於家政女工衛生之言尤詳全書四册定價大洋二元

學部改訂 近代化學教科書 日本大幸勇吉著王季烈譯○上篇述無機化學第三篇述有機化學學部評云近世化學日新月異盛記憶之學科漸趨於推理解之學科故教授之法實驗理論不可偏廢此書凡化學中實驗理論之關係即設其詳每册定價洋八角五分

查理 初等代數學 王家英譯壽孝天校○是書久已膾炙人口為譯述之時 說力求顯明題問時有酌易蓋深得原書之精意而不拘守原書之面目最速於我國之用每部一元二角

斯密 初等三角法教科書 日本飯島正之助著周藩譯○上篇述銳角之圓函數下篇述普通三角之圓函數定理簡式之證明不厭其詳而行文簡括使讀者循途深造忘其為沈悶之科學該教科書本也每册定價二角半

家計簿記教科書 奏定高等小學章程列簿記於算術科是書就家計以發凡詳論簿記之法書分九章就我國通行舊例參以各國新法於改良之仍以通俗適用為手既可作學堂教科書即使居家者經商者職司會計者閱覽此書亦其有益每册八角

鄭富 新法英文教程 此書每句詳解讀本使學者易於領悟而於文法八部之總則及其字讀之時間尤為注意每句詳解讀本使學者易於領悟而於文法八部之總則及其字讀之時間尤為字使閱者一目了然每册定價八角

堀維文 日語讀本 內堀維文君現任山東高等小學堂日語教授歷年既久閱歷尤深茲特以其經驗材料編成此書體例清新程度適中誠為學日語者之寶笈也書四册每册一元四角

初等 鉛筆習畫帖 本館前出高等小學繪畫習畫帖已承學部審定是書編繪之法與前書相應而筆法甚為簡易便於初學臨摹全部四册每册各二十圖第一册均單簡形體以次循序漸進至第四册乃及陰影濃淡之法初學極易入手全部定價四角八分

林譯 鍾乳蠶體 英國哈葛得原著○此書大致似霧中人出於老獵戶戈德門自述然歸本於亨利之愛乃以尋覓其弟之故至於犯療痼絕沙漠飢渴而死咸所不惜讀之足以愧天下之閱者每部二册定價六角

林譯 天囚懺悔錄 是書叙一人誤殺其友出亡天良受種種苦惱後流荒島力自懺悔改行為善卒得善終其間航航海免藏金及孤島中生活以及男女愛情筆意纏綿徘徊婉麗人每册定價五角

新譯 匈奴奇士錄 匈加利育珂摩耳著○一摩陀爾人有妹為食王所誘遂至被寒而愛情至死不減不許其兄報讐此食王又誘惑一公爵思極其夫人設種種奸謀不得遂公爵夫人卒嫁日本摩陀爾人情節離奇譯筆古雅每册定價四角

新譯 模範町村 日本農學博士橫井時敏原著○此書以改良地方自治之理想假託一人久客歸鄉所見所與從前大異所說事實均依據學理可早實行今吾國方注意地方自治此書頗資模範不當僅作小說觀也每册定價三角

新譯 模範町村 日本農學博士橫井時敏原著○此書以改良地方自治之理想假託一人久客歸鄉所見所與從前大異所說事實均依據學理可早實行今吾國方注意地方自治此書頗資模範不當僅作小說觀也每册定價三角

啓新洋灰有限公司廣告



啓者本公司係承受唐山洋灰公司創設新廠併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西洋化學師疊
 考驗拉外洋最新式機器全副去臘業已開機所出之灰據西洋化學師疊
 之缸磚花磚洋灰瓦溝管等項無論零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

得利文洋

本行開設天津上海香港志呢華海參崴等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
 大小皮包法國洋號又新到轉盤換調話匣八音盒價值格外從廉仕宦商光顧者請移玉紫竹林法租界本
 行面議可也
 本行主人啟

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行攜帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齋洋行謹啓

瑞林祥元記 緞洋貨

本號開設(北京前門外鮮魚口)(天津估衣街中間路北)(山東濟南府院西路北)等處
 自置綢緞洋貨顧繡粧蟒花素貢絨絨緞各色抖蓬哈叻厚呢以及京廣什貨絨絨貨各色
 俱全貨高價廉劃一不二中外 紳商賜顧移玉是幸
 瑞林祥元記具

啟新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股東願入此股者請自二月十六日起兩個月內先將認定之股數函示註冊該股款於註冊後兩個月內全數交齊即以交款之日起息如欲詢詳細辦法請 惠臨天津海大道本公司面談可也此布

KONJI-SUI 註冊

醫學大博士島村先生保効

立止牙痛神藥



日本丹平度脩 商標

今治水

售寄有均房藥大各

順天府尹凌大人捐庫平銀二百兩 晉省隱名氏集捐公砒平銀一千零八十兩 山東撫台袁捐洋四百元 候補京堂張大人煜南捐洋二千元 山東運台崔大人鍾善捐京足銀五百兩福建臬台鹿大人學良捐京松銀五百兩 上海道台蔡乃焯捐京足銀二百兩 陝西藩庫廳沈鑄榮捐京足銀一百兩 分省知縣鄭寶麟捐京足銀四十三兩 甘肅舉人趙椿年捐洋十元 直隸道台葉增濤捐洋六十元 張仲仁捐洋二十元 丁春之捐洋十四元 鍾蕪泉捐洋十元 汪鶴齡捐洋八元 張信初捐洋八元

北京王府井大街平和戒煙醫局鳴謝清單

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

綠色條胰出現廣告

本場為提倡高等成色條胰起見不計本利力求料實耐用洗濯異常滑快經久絲毫不抽委與外洋白條胰相頡頏而價值格外低廉如蒙購用即知此胰貨高價廉便宜合算 賜顧者請至北馬路售品總所或本場售品處零整均可面議一為試用定當爭購此佈

天津河北實習工場謹白

工商演說廣告

啓者本月十八日晚八鐘至十一鐘仍在東馬路宣講所內演說工商各項要理並請劉巨川先生續演生財有大道何子琴先生演說工業上圖畫學之關係韓鏡湖先生演說彫刻玻璃簡易法李子鶴先生演說外國貿易法務希 各工商屆時 惠臨入聽不取分文特此預佈

天津勸工陳列所謹啓

京奉鐵路局廣告

啟者本鐵路現有各樣舊碎鐵約重七百八十噸投標出售如願購買者請將所出價值開列封在信封之內於本月二十九日以前寄交本局華收支處彙齊開標逾期不收該鐵現存新河貨棧投得者即在該棧房交貨特此佈聞

京奉鐵路局謹啓